



DEO OPTIMO MAX.  
UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono.

QUÆSTIO MEDICA.

*CARDINALITIIS DISPUTATIONIBUS,*  
*manè discutienda in Scholis Medicorum die Martis 21. Februarii*  
M. DCC. XLI.

M. JOANNE-CLAUDIO-ADRIANO HELVETIUS,  
Regi à Sanctioribus Consiliis, Regina Medico Primario, &  
è Regiâ Scientiarum Academiâ, Doctore Medico, Præside.

*Est-ne motus præcipuus sani corporis Medicina?*

I.



EDICÆ artis duplex munus est; prosperam tueri valetudinem;  
adversa opitulari. Alterum præstat *dispartitur*, alterum *vincit*.  
Nec minus in occupandis morborum causis remotioribus eminet  
Medici prudentia, quàm in iis, ubi facti sunt, debellandis. Imò  
tantò magis illic elucescit, quantò certius scopum suum præca-  
vendo attingit, quàm medendo. Quàm multos morbos repe-  
rias nullâ quidem arte sanabiles, postquàm altiores in corpore radices egerint,  
imisq; sese insinuaverint medullis, quibus tamen vel levi negotio occurrî po-  
tuisset. In eo ferè totum consistit conservandæ valetudinis artificium, ut in-  
gestis excreta respondeant, si modò ad debitum incrementum pervenit corpus.  
Hoc autem prudenti sex rerum usu obtinetur, quas non naturales appella-

vere: dùm alia ingestorum materiam suppeditant, alia secretionibus excretionibusque omnis generis famulantur. Tandem perstabit incorrupta sanitas, quandiu, quæ per varios corporis meatus undequaque disfluunt, opportuna novi humoris copia ita resarciuntur, ut quantum ex unâ parte accedit, tantum decedat ex alterâ. Præponderare alterum alteri non potest absque sanitatis detrimento. Sæpius tamen evenit ut copia delinquant humores quàm inopia. Si quis igitur sanitati suæ consultum voluerit, huic in primis cura sit luxuriantes succos modico exercitio compescere. Ea quippe sani corporis Medicina dicenda est, cujus beneficio omnibus, quotquot sunt, tum secretionibus, tum excretionibus providetur.

## I I.

**A**SSIDUO corporis arteriarumque motu ita immutantur corporis nostri humores, ut nequaquam sibi constare, verum novas subinde formas induere videantur. Qui ex ventriculo appensusque intestinis per lactea vasa ductumque thoracicum, crudi ferè ac indigesti thalamum cordis dextrum subierant, diversam prorsus nanciscuntur indolem, ubi primum exilissimos arteria pulmonaria, aortæque canaliculos fuerint emensi. Horum vasorum operitur *Chylus*, subigitur, expressaque redundantis feri copia, unâ coalescunt: dispersi prius globuli. Indè rubet humor, qui prius lactis instar albescebat. Ulterius proseguere. Repetitis circuitibus magis ac magis invertitur sanguis, in eumque modum compinguntur variae illius moleculæ, qui incerniculis quibuslibet idoneam præbet materiam. Tota demum sanguinis moles in *excrementitiis* sordes faciscit, quarum alia mucosæ deprehenduntur, alia salina, alia sulphurea, alia aquea, aut ex iis omnibus unâ permixtis constat. Quæ cum nullius jam sint, sive ad reficiendas solidas partes, sive ad assimilandum *Chylum* utilitatis, reliquum est, ut ex corpore excludantur, vel intus retentæ, maximas ibi turbas pariant. Neque enim diutius immorari queunt effæti illi humores, quin partim mole suâ vasculosam corporis compagem distendendo, liberiori sanguinis circulo officiant, partim lentorem acrimoniamve cæteris liquoribus conciliando, advenientes succos pari labe inficiant, fomitemque innumeris malis præbeant. Hinc est quod provida Natura tot sibi vias aperuerit, per quas, statis temporibus erumperent ejusmodi purgamenta, tam sub sensibili specie quàm sub insensibili. Quæ juxta naturam excernuntur, si una coëgeris ingestorum copiam æquiparare deprehendes: singulas verò excretionès si contuleris, mirum quantum à se in diversis hominibus discrepent. Quibus largior adest per cutis poros evacuatio insensibilis, iis tantumdem cætera excretionès sensibiles imminui necessum est. Quo fit ut, dùm una purgatio alteram supplet, foras abeat quidquid in corpore superfluit, vindicentur ab imminente labe humores: ritè succedat sanguinis, undè cætera pendunt, circulus; universæ demum tum corporis, tum animi functiones cum alacritate quâdam & oblectamento exercentur.

## I I I.

**E**XCRETIONIBUS secretionès præire debere manifestum est. Secernendis excernendisque ut par est, variis humoribus quatuor potissimum conferuntur conditiones, 1<sup>o</sup>. Legitima humorum fluiditas, quæ neque excedat, neque deficiat. 2<sup>o</sup>. Solidarum partium robor expediendæ liquori per tenuissimos meatus viæ per quàm necessarium. 3<sup>o</sup>. Liber humorum ad incernicula impulsus. 4<sup>o</sup>. Quædam ipsorum incerniculorum agitatio, seu conqussatio. Hæc autem omnia

3

præstat corporis motus, sive exercitatio. At 1<sup>o</sup>. quidem facit motus ad humorum fluiditatem, quatenus repetitis, ut sit, vasorum contractionibus, probè attreruntur humores, subiguntur, atque ex majoribus in minores moleculas dividuntur per exilissimos tubulos faciliè transmittendas. 2<sup>o</sup>. Fibris robur addit, sive uberiores in illas succi *nervei* copiam derivando, sive ex ipsâ consuetudine. Quod in iis animadvertere est, quorum artus labore ipso firmantur, atque in majorem molem excrescunt. 3<sup>o</sup>. Aucto corporis motu liberiori cursu appellant ad incernicula quælibet humores. Quem enim fugit ab ipsâ exercitatione attolli pulsum, frequentioremq; evadere, sive quod idem est, velociorem fieri sanguinis circulum? Quanto autem celerior fuerit sanguinis circuitus, tantò citius expeditiusque hunc absolvendum esse patet. Sæpius igitur appellant ad *secretoria* organa liquores, secernendi, uberiùsque illorum subibunt oscula. Quod tamen de sanguinis cursu non nimium adaucto dictum volumus. Neque enim nos laetè ubi torrentis instar abripiuntur per vasa humores, nullam ferè usquam fieri secretionem, quod salutatis duntaxat incerniculorum foraminibus, præterlabatur quicquid aliàs subingressurum fuisset. 3<sup>o</sup>. Demùm concussis ipsismet incerniculis feliciùs peragitur lecretionum excretionumq; opus: cribri exemplo, quod ex ipsâ agitatione aptius sit ad secernendam crassiora à tenuiori materiam. Non absimili ratione uberior salivæ laticis copia exprimitur, ubi inter masticandum alterno motu cidentur maxillæ. Ita etiam frictionis ope, quæ motus species est prolicitur sudor. Quod idem in cæteris quoque incerniculis contingit; tùm quod faciat ad secretionem levior quædam irritatio, cuius ope plus spirituum advocatur, tùm quod exindè patentiora fiant incerniculorum ostiola alternis, ut ita dicam, vicibus dehiscant.

#### I V.

QUAM multa, quàm assidua confert motus universis animantibus beneficia! Vitæ principium est & fomes. Ortui præest & incremento. Primæ sætûs, sive in semine virili, sive in ovulo materno delitescens evolutioni conducunt repetitæ diaphragmatis muscylorumque abdominalium contractiones; lactenti infantulo frequens fasciærum mutatio, gestatio in ulnis, quod solum huic ætati accommodatum est exercitium. Verùm ubi puero datum est pedibus insistere, ut gestit subinde locum mutare! Quanta huic & illuc cursitatio! quæ paulò grandiori in excogitandis ludis industria, quibus nihil aliud quàm exerceatur corpus & succrescat. Nempe eatenus crescere videtur puer, quatenus assidua ferè agitationis beneficio tenelli illius artus expanduntur. Caveant igitur morosi nimium senes, ne dùm propriæ quieti invigilant attentius, lascivientes puellorum animos severiùs coercendo, illorum sanitati male consulant. Quid enim intempestivâ severitate obtinetur? torpent pigra misellorum corpora undè sit, ut vel molli nec sincerâ turgescant pinguedine, vel turpi macie confecta emarcescant. Neque enim absque corporis motu ritè peragi aut ciborum concoctio, aut partium nutritio potest. Quin & in partem mali venit mens ipsa, licet à corporearum partium consortio prorsus immunis, obtusioribusque quibus utitur organis, affigitur humi divinæ auri particula. Nec pueris adolescentibusve solum, verùm & adultis etiam plurimum prodesse exercitationem, quotidiana comprobât experientia diversarum conditionum exemplo. Quot morbos vix norunt ruris incolæ urbanis ac delicatis hominibus admodùm familiares? illis rarò contingit esse podagricis, nunquàm ferè hypochondriacis aut lienosis esse vacat. Quotidiano labore, roborantur illorum corpora, summa

accedit in edendis universis functionibus alacritas. Quos appetit ventriculus cibos probe concoquit, responder, ut par est, alvus; exercitaram vigiliam excipit somnus quietus ac reficiens, qualem sibi frustra cuperent optimates; aquabili, ut ut valido appellentis ad incernicula sanguinis cursu non insensili solum perspirationi, sed & cæteris quoque tum secretionibus, tum excretionibus providetur. Parte aliâ, qui lautioribus cibis saginati lægriorem ac sedentariam vitam vivunt, eos invadere solent morbi quàm plurimi, ipsi quo abutuntur otio referendi, ut potè quod omnis generis obstructions accerfere valeat. Adeo ut pessimè secum agere videantur, qui cuticulam curant. Nonne idem etiam in domesticis animalibus videre licet, quos citius conficit ipso labore quies immodica?

## V.

**P**RÆCLARE igitur *Celsus*: *ignavia corpus hebetat, labor firmat; illa maturam senectutem, hic longam reddit adolescentiam*. Verum non eadem omnibus & singulis convenit exercitationis species. Diverfa prò diversis tum naturis, tum ætatibus, tum conditionibus, tum regionibus, tum tempestatibus instituenda sunt motuum genera. *Fieri enim potest monente Galeno, ut idem motus alteri sit exercitatio, alteri non sit*. Ideoque maximus eâ in re delectus habendus est. Neque immerito tanti erat apud veteres Gymnasticæ artis peritia, quâ quodnam unicuique proprium esset exercitium, edisceretur. Nimirum intellexerant nullâ aliâ ratione certius indurari posse corpora, quàm si exercerentur. Sic etenim fieri, ut vel gravissimis laboribus fetendis paria evaderent. Mirum sanè, quod adeo apud recentiores obsoleverit ars prastantissima. Varias enarrare exercitationum species veteribus familiares magis ad doctrinæ ostentationem pertinere videtur quàm ad præsens institutum. Cautiones vero quas adhiberent referre non abs re fuerit. 1<sup>a</sup>. Est ut nonnisi ante cibum aut post peractam concoctionem corpus non exerceatur; quo scilicet tempore apta est materia tenuissimos cutis poros pervadere. 2<sup>a</sup>. Ut ad levis ferè sudoris initium id fiat. 3<sup>a</sup>. Ne corporis moles nimio plus extennetur. Ideoque sanis ac rectè valentibus melioris exercitatio convenit, iis verò quibus perspiratio deficere visa est, paulò major. Ex *Sanatorio* enim *exercitio corpora leviora sunt... perspirabile ad exhalationem præparatur*. At quoniam ex eodem auctore *corpori peius est si ad infimum sui ponderis punctum fuerit delapsum, quàm si summum attigerit*, videndum sedulo ne plus detrahatur exercitio, quàm restituitur à nutritatu. *Galenum* eâ de re adito, eò potissimum spectant quæ de Gymnasticâ admonuit. Quod quidem tanti momenti esse arbitratu est, ut pluries inculcandum censuerit: cum enim ex prædictis pateat motu maximopere affici corpora nostra, atque immutari sive in melius, sive in deterius posse, modum illic habere operæ pretium est. Hanc sibi Medicinam unusquisque accomodet; cujus Medicinæ tanta virtus est, ut si

*Avic. fen. l. 1. homines opportuno tempore exercitio ac labore uterentur, omnibus Medicis carere possent & medicamentis.*

*Ergo motus præcipua est sani corporis Medicina.*

Proponebat Parisiis MATTHÆUS ARRAGON, Abrincinus, Baccalaureus Medicus, A. R. S. H. 1741, à sextâ ad meridiem.

Typis QUILLAU, Universitatis & Facultatis Medicinæ Typographi, 1741.